

## **Stjórnarfundur 11. feb. 2000**

Stjórn Sorpurðunar Vesturlands h/f kom saman til fundar á skrifstofu SSV í Borgarnesi föstudaginn 11. febrúar kl. 11<sup>00</sup>. Fundinn sátu Pétur Ottesen, Guðbrandur Brynjúlfsson, Kristinn Jónasson, Ríkharð Brynjólfsson og Guðjón Ingvi Stefánsson. Björg Ágústsdóttir, Sigríður Gróa Kristjánsdóttir og Stefán Jónsson boðuðu forföll.

Þetta gerðist á fundinum.

1. Fundargerð 10.12 var samþykkt samhljóða.
2. Lagt var fram bréf Hollustuverndar ríkisins dags. 3. jan. en samhljóða bréf var sent þeim sveitarfélögum sem rekið hafa urðunarstaði á Vesturlandi til þessa og á efni þess fyrst og fremst erindi til þeirra.
3. Ríkharð sagði frá undirbúningi og viðræðum við aðila um endurheimt votlendis í landi Ánastaða og er beðið eftir að fulltrúar Náttúrufræðistofnunar komi vestur til samráðs um tilhögun framkvæmda.
4. Lagðar voru fram skýrslur um sorpurðun í desember 372 t. og janúar 390 t.
5. Rætt var um brýnustu endurbætur sem gera þyrfti á íbúðarhúsinu í Fíflholtum (kaupa ofna, skipta um glugga) og heimiluð nokkur útgjöld af því tilefni. Samþykkt var að láta gera ástandslýsingu áður en til meira viðhalds kemur.
6. Rætt var um urðun sláturúrgangs, stöðu kjötmjölsverksmiðju í Borgarnesi og framtíð hennar. Upplýst var að Sorpstöð Suðurlands stendur að nýrri verksmiðju á Suðurlandi sem lið í endurvinnslustarfi sínu.

Að fundi loknum tóku fundarmenn þátt í fundi FENÚRS um meðferð og markaðssetningu lífræns úrgangs í Hótel Borgarnesi en að honum loknum fóru um 25 manns í skoðunarferð í Fíflholt og til Hvanneyrar.

Guðjón Ingvi Stefánsson